

brée par Sa Sainteté, à l'occasion des prières solennelles qu'Elle avait prescrites dans l'Eglise entière pour les fidèles trépassés.

Voici maintenant le texte authentique de cet exorcisme.

Exorcismus in satanam et angelos apostaticos jussu

Leonis XIII P. M. editus.

In nomine Patris, et Filii et Spiritus Sancti. Amen.

Ps. LXVII.

Excurret Deus et dissipentur inimici ejus: et fugiant qui oderunt eum a facie ejus.

Sicut deficit fumus, deficiant; sicut fluit cera a facie ignis, sic pereant peccatores a facie Dei.

Ps. XXXIV.

Judica, Domine, nocentes me; expugna impugnantes me.

Confundantur et revereantur querentes animam meam.

Avertantur retrorsum, et confundantur cogitantes mihi mala.

Fiant tamquam pulvis ante faciem venti: et Angelus Domini coarctans eos.

Fiat via illorum tenebræ, et lubricum: et Angelus Domini persequens eos.

Quoniam gratis absconderunt mihi interitum laquei sui: supervacue exprobraverunt animam meam.

Veniat illi laqueus quem ignorat; et captio quam abscondit apprehendat eum: et in laqueum cadat in ipsum.

Anima autem mea exultabit in Domino: et delectabitur super salutari suo.

Gloria Patri, et Filio, et Spiritui Sancto.

Sicut erat in principio, et nunc, et semper, et in sæcula sæculorum. Amen.

AD S. MICHAELEM ARCHANGELUM

PRECATIO.

Princeps gloriosissime cœlestis militiæ, sancte Michaël Archangele, defende nos in prælio et colluctatione, quæ nobis est adversus principes et potestates, adversus mundi rectores